

詩賦歌詠

皇朝類苑

十四卷



新唐書卷第三十四

詩歌助誌

范景

晉祖叔河東獻旋范景於馬延詩曰千里版圖夾流

若一盤全數下河東上段墓石已增秩賜查服景相

公實之極越學有文時齊高景即范景高景學士翰

羽與景也

范景

范景

范景

范景

范景

范景



新雕本皇朝類苑卷第三十四  
詩歌賦詠

一 范杲

藝祖收河東凱旋范杲叩馬進詩曰千里版圖來浙  
右一聲金鼓下河東上愛慕不已增秩賜章服杲曾  
公質之姪好學有文時稱高梁柳范謂高梁周翰  
柳開與杲也

楊侍講

楊侍講徽之以能詩聞於祖宗朝太宗知其名  
索其所著以百篇奏御仍獻詩謝上卒章曰少年榮  
落今何幸叨遇君王問姓名太宗賜和且語近臣  
曰徽之文雅可尚操履端正拜禮部侍郎選十聯寫  
於御屏梁周翰貽之詩曰誰似金華楊學士十聯詩





在御屏中江行云犬吠竹籬沽酒客鶴隨苔岸洗衣  
僧寒食云天寒酒薄難成醉地迥臺高易斷魂塞上  
云戍樓烟自直戰地雨長腥嘉陽川云青帝已教春  
不老素娥何惜月長圓又云浮花水入瞿塘峽帶雨  
雲歸越鶴州哭江爲云廢宅寒塘水荒墳宿草烟元  
夜云春歸萬年樹月滿九重城僧舍云偶題岩石雲  
生筆閑遶庭松露濕衣湘江舟行云新霜染楓葉皓  
月借蘆花宿東林云開盡菊花秋色老落遲桐葉雨  
聲寒鑿金爐不似東土燹墓不日散地

一

王元之謫黃州也實由宰相不說交親無敢私見惟  
竇元賓握手泣嘯於閣門曰天乎使公屢黜豈非命

耶士大夫高之元之以詩謝之曰惟有南宮竇貞外  
爲余垂淚閣門前

日重下口二

雷德驥有終父子二人嘗並命爲江南淮南兩路轉  
運使當世榮之王禹偁贈詩二首其一曰江南江北  
接王畿漕運帆檣去似飛父子有才同富國君王無  
事免宵衣屏除姦吏魂應喪養活疲民肉漸肥還有  
文場受恩客望塵情抱倍依依其二曰當時詞氣歷  
朱雲老作皇家諫諍臣章疏罷封無事日朝廷猶指  
直言人題詩野館光泉石講易秋堂動鬼神棘寺下  
僚叨末路齋心唯祝秉鴻鈞蓋禹偁嘗出德驥門下  
而德驥深於易而酷嗜吟詠故也



王禹偁詩多紀實中的作趙普挽詞云玄象中台坊  
皇家上相薨大功銘玉鉉密事在金縢宋湜挽詞云  
先帝飛遐日詞臣遇直時樞前書顧命筆下定洪基  
蓋普嘗密贊太祖傳位太宗而湜為內相宿直  
遇太祖外遐是夜草遺制立太宗故也云此事湜  
家亦不知唯以公挽詞為傳信

四

王黃州始居濟陽父本磨家時畢文簡公士安為州  
從事元之七歲一日代其父輸麩至公宇立庭下應  
對不攝文簡方命諸子屬句鸚鵡能言寧比鳳文簡  
曰童子口舌喧啾顧能對此乎意惡犯分而譏之元  
之抗首應聲曰蜘蛛雖巧不如蚕復涵諷意報文簡  
文簡嘆曰子精神滿腹將且名世矣其後與公接武

朝廷焉

五

王元之謫黃州有詩云又為太守黃州去依舊郎官  
白髮生論詩者尚其質直元之先謫滁州謝上表云  
諸縣豐登苦無公事一家飽煖全荷君恩元之有畫  
像在滁及歐陽尚書謫官至郡謁畫像取表中語為  
詩曰諸縣豐登少公事一家飽煖荷君恩元之在朝  
與宰相不相能作江豚詩刺之譏其肥大云食啗魚  
鯁頗肥膾又云江雲漠漠江雨來天意為霖不干汝  
俗云江豚出能致風雨也

楊文公不辭所命立其畫像於堂中  
楊文公初為光祿丞太宗頗愛其才一日後苑賞花  
宴詞臣公不得預以詩貽諸館職曰聞帶宮花滿鬢



紅上林絲篔侍重曠蓬萊咫尺無因到始信仙九迥  
不同諸公不敢匿以詩進呈上詰有司所以不召左  
右曰以未帖職例不得預即命直集賢院免謝令預  
晚宴時以爲榮唐韓吏部序侯喜劉師服與道士軒  
轅彌明石鼎聯句其事頗恠而彌明之詞警絕遠甚  
以謂非神即仙殆非人思所能到孫漢公以爲皆退  
之之語也蓋以其詞多刺譏慮爲人所訾其傳不久  
故假以神其事也

楊大年與錢劉數公唱和自西崑集出時人爭效之  
詩體一變而先生老輩患其多用故事至於語僻難  
曉殊不知自是學者之弊如大年新蟬云風來玉宇  
鳥先覺露下金莖鶴未知雖用故事何害爲佳句也

又  
入如峭帆橫渡官橋柳疊鼓驚飛海岸鷗其不用故  
事又豈不佳乎蓋其雄文博學筆力有餘故無施而  
不可非前世魏詩人者區區於風雪草木之類爲許  
洞所困者也

冠萊公在中書與同列戲云水底日爲天上日未有  
對而楊大年適來白事因請其對大年應聲曰眼中  
人是面前人一坐稱爲的對

四

楊大年年十一建州送入闕下真宗親試一賦二  
詩頃刻而成上喜令中人送中書俾宰臣再試時參  
政李至狀云臣等令月某日入內都知王知春傳聖  
旨押送建州十一歲習進士楊億到中書其人來自



皇朝卷卅四 四  
江湖對馭軒陛殊無震懼便有老成蓋聖祚承平神童間出也臣亦令賦喜朝京闕詩六言五韻亦項刻而就其詩謹封進詩內有七閩波渺邈雙闕勢岩曉曉登雲外嶺夜渡月中潮斷句云願秉清忠節終身立聖朝之句

五

楊文公億數歲未能言一日家人抱登樓誤觸其首忽便言家人驚謂曰汝既能言能吟詩乎曰能遂令吟樓詩應聲吟曰危樓高百尺手可摘星辰不敢高聲語恐驚天上人後爲天下文章宗工

夏文莊公

夏文莊公景德初侍父監通州狼山鹽場嘗登狼山賦渡口詩曰渡口人稀黯翠烟登臨猶喜夕陽天殘

雲右倚維陽樹遠水南迴建鄴舡山引亂猿啼古寺電駟甘雨過閑田季鷹死後無歸客江上鱸魚不直錢時方年十七後之題詩無出其右識者以謂甘雨過閑田雖有爲霖之志終無澤物之功

二

夏文莊公舉制科對策罷方出殿門遇楊徽之見其年少遽邀與語曰老夫他則不知唯喜吟詠願丐賢良一篇以卜他日之志不識可否公援筆欣然曰殿上衮衣明日月硯中旗影動龍蛇縱橫禮樂三千字獨對丹墀日未斜楊公嘆服數四曰真將相器也

三

景德中夏公初授館職時方早秋上多宴後庭酒酣遽命中使詣公索新詞公問上在甚處中使曰在拱



宸按舞公即抒思立進喜遷鶯詞曰霞散綺月沈鈎  
簾捲未央樓夜涼河漢截天流宮闕鎖新秋瑤階犯  
英宗諱金莖露鳳髓香和雲霧三千珠翠擁宸遊水  
殿按梁州中使入奏上大悅

四

夏鄭公以父歿王事得三班差使然自好讀書攻為  
詩一日携所業伺宰相李文靖公沈退朝拜於馬首  
而獻之文靖讀其句有山勢蜂腰斷溪流燕尾分之  
句深愛之終卷皆佳句翊日袖詩呈真宗及叙其  
死事之後家貧乞與換一文資遂改潤州金壇主簿  
後數年舉制科對策庭下有老官者前揖曰吾閱人  
多矣視賢良他日必貴求一詩以誌今日之事因以  
吳綾手巾展於前鄭公乘興題曰簾內衮衣明黼黻

今

殿前旌旆雜龍蛇縱橫落筆三千字獨對丹墀日未  
斜是年制策高等平生好為詩皆有所屬初罷樞府  
為南京留守時有忌疾之者到郡作詩曰造化平分  
荷大鈞腰間新佩玉麒麟南湖日夜栽桃李准擬灕  
陽過十春又曰海鴈橋邊春水深略無塵土到花陰  
忘機不管人知否自有沙鷗信此心晚年流落仇敵  
益衆而抨彈之疏不輟上聞因作詩送一臺官曰弱  
羽驚弦勢未安孤飛殊不礙鴛鴦黃金自有雙南貴  
莫與遊人作彈丸始王沂公曾當國鄭公為翰林學  
士欲撼之因作青州詩曰日上西山舞鸞鶴波翻碧  
海對蛟龍直鈎到了成何事消得君王四履封以沂  
公青人故也

五



景休曰夏竦字子喬父故錢氏臣歸朝為侍禁竦幼學於姚鉉使為水賦限以萬字竦作三千字以示鉉怒不視曰汝何不於水之前後左右廣言之則多矣竦又益之九得六千字以示鉉鉉喜曰可教矣年十七善屬文為時人所稱舉進士開封府解者百數竦為第六貢院時奏名第四會其父死於邊竦以死事者子補奉職貢院奏竦所試賦詩優於省元陳堯佐以其幼故抑之來舉請免省試詔許之竦以奉職行父喪服終換丹陽主簿舉賢良方正及第拜大理評事通判台州秩滿遷光祿寺丞直史館頃之奉詔修史俄知制誥時年二十七

陳文惠

陳文惠堯佐端拱元年程宿下及第止二十八人時

公兄弟先登第舉族貧時但未仕父省垂尚為小官家極貧魏野以詩賀之曰故人少處先登第舉族貧時已受官

蘇東坡

慶曆中歐陽文忠公謫守滁州州有琅琊幽函谷山川竒麗鳴泉飛瀑聲若環珮公臨聽忘歸僧智仙作亭其上公刻石為記以遺州人既去十年大常博士沉遵好竒之士聞而往遊愛其山水秀絕以琴寫其聲為醉翁吟蓋宮聲三疊後會公河朔遵接琴作之公歆以遺遵并為醉翁引以叙其事然詞不主聲為知琴者所惜後三十餘年公薨遵亦歿其廬山道人崔閑逋客也妙於琴理常恨此曲無詞乃譜其聲請



於東坡居士蘇子瞻以補其闕然後聲詞皆備遂為  
琴中絕妙好事者爭傳之其詞曰琅然清圓誰彈響  
空山無言唯公醉中知其天月明風露涓涓人未眠  
荷蕢過山前曰有心也哉此賢第二疊泛聲同此醉  
翁嘯詠聲和流泉醉翁去後空有朝吟夜怨山有時  
而童巔水有時而迴川思翁無歲年翁今為飛仙此  
意在人間試聽徽外三兩絃方其補詞閑為絃其聲  
居士倚聲為詞頃刻而就無所點竄蓮之子為比丘  
魏本覺法真禪師居士書以與之謂曰二水同器有  
不相入二琴同手有不相應沉君信手彈琴而與泉  
合居士縱筆作詞而與琴會此必有真同者矣

二

張芸叟奉使大遼宿幽州館中有題蘇子瞻老人行

於壁間者聞范陽書肆亦刻子瞻詩數十篇謂之大  
蘇集子瞻名重當代外至夷虜亦愛服如此芸叟題  
其後曰誰傳佳句到幽都逢著胡兒問大蘇已上見

澠水燕談

李文質

李昉再入相以司空致仕為詩慕白居易之淺切所  
居有園林畜五禽皆以客為名白鵬曰閑客鷺曰雪  
客鶴曰仙客孔雀曰南客鸚鵡曰隴客昉各為詩一  
章畫為客圖傳於好事者又慕居易西京九老之會  
得宋琪等八人皆年七十餘時為九老會未果而卒

王溪生

公嘗言至道中偶得王溪生詩百餘篇意甚愛之而  
未得其深趣咸平景德間因演綸之暇徧尋前代名



公詩集觀富於才調兼極雅麗包蘊密緻演繹平暢  
味無窮而久愈出鑽彌堅而酌不竭曲盡萬態之變  
精索推言之要使學者少窺其一班略得其餘光若  
滌腸而換骨矣絲是孜孜求訪九得五七言長短韻  
歌行雜言共五百八十二首唐末浙右多得其大本  
故錢鄧師若水未嘗留意拮拾纔得四百餘首錢君  
舉賈誼兩句云可憐半夜虛前席不問蒼生問鬼神  
錢云其措意如此後人何以企及余聞其所云遂愛  
其詩弥篤乃專緝綴鹿門先生唐彥謙慕玉溪得其  
清峭感愴蓋聖人之一體也然警之之句亦多予數  
年類集後求得薛廷珪所作序九得百八十二首世  
俗見予愛慕二君詩什誇傳於書林文苑淺拙之徒  
相非者甚衆噫大聲不入於俚耳豈足論哉

范文正公

海陵西溪鹽場初召呂文靖公嘗官於此手植牡丹  
有詩刻其後范文正公亦嘗臨蒞復題一絕云陽和  
不擇地海角亦逢春憶得上林色相看如故人後人  
以二公詩筆故題詠極多而花亦爲人貴重護以朱  
欄不忍折歲久盛茂枝復數丈每春花開數百朶爲  
海濱之奇觀

范文正公未免乳喪其父隨母嫁淄州長山朱氏既  
冠文行過人一試爲南宮第一人遂擢第仕宦四十  
年晚鎮青州西望故居纔百餘里以詩寄其鄉人曰  
長自一寒儒登榮三紀餘百花春滿路二麥雨隨車



鼓吹迎前道烟霞指舊序鄉人莫相羨教子苦詩書

三

范文正公謫睦州過嚴陵祠下會吳俗歲祀里巫迎神但歌滿江紅有桐江好烟漠漠浪似染山如削遠嚴陵灘畔鷺飛魚躍之句公曰吾不善音律撰一絕送神曰漢包六合網英豪一箇宜冥鴻惜羽毛世祖功臣三十六雲臺爭似釣臺高吳俗至今歌之

四

范希文為詩不徒然而作也有贈釣者詩云江上往來人盡愛鱸魚美君看一葉舟出沒風濤裏又觀渡詩一棹輕如葉旁觀亦損神他時在平地無忽險中人率以教化為主非獨風騷之將抑又文之豪傑歟

五

范文正公氣節忠勁知無不言仁廟朝屢獻章疏數見斥逐故梅聖俞作啄木鳥詩以見意曰啄盡林中蠹未肯出林飛不識黃金彈雙翎墮落暉

張在

青州布衣張在少能文尤精於詩奇蹇不偶老死場屋題龍興寺老栢院詩曰南鄰比舍牡丹開年少尋芳去又迴唯有君家老栢樹春風恰似不曾來大為人所傳誦故御史中丞范諷補之喜論詩尤愛此篇誦於文潞公公皇祐中鎮青詣老栢院訪在所題字已漫滅公惜其不傳為大字書於西廡之壁後三十餘年當元豐癸亥東平畢仲甫將叔見公于洛下公誦在詩囑畢往觀畢至青訪其故處壁已圯毀不復可得為刻于天宮石柱又刊其故所題處



僧惠崇一

寇萊公一日延詩僧惠崇於池邊探闌分題丞相得池上柳青字韻崇得池上鷺明字韻崇默遠池邊馳心於杳冥以搜之自午及晡忽以二指點空微笑曰已得之此篇功在明字九五押之俱不倒今方得之丞相試請口舉崇日照水千尋迥接烟一點明寇公笑曰吾之柳功在青字已四押之終未愜不若且罷崇詩全篇曰兩絕方塘溢遲徊不復驚曝翎沙日暖引步島風清及斷句云主人池上鳳見爾憶蓬瀛

二

宋九釋詩惟惠崇師絕出嘗有河分崗勢斷春入燒痕青之句傳誦都下藉藉喧著餘緇遂寂寥無聞因忌之乃厚誣其盜閩僧文兆以詩嘲之曰河分崗勢

司空曙春入燒痕劉長卿不是師兄偷古句古人詩句犯師兄

石昌言

皇祐間館中詩筆石昌言揚休最得唐人風格余嘗携琴訪之一詩見謝允佳曰鄭衛湮俗耳正聲追不回誰傳廣陵操老盡嶧陽材古意爲師復清風尋我來幽陰竹軒下重約月明開恐遺泯故錄焉已上湘山野錄

石曼卿

石曼卿天聖寶元間以歌詩豪於一時嘗於平陽會中作代意寄尹師魯一篇詞意深羨曰十年一夢空花委依舊山河損桃李鴈聲北去燕西飛高樓日日



春風裏眉聳石州山對起嬌波淚落粧如洗汾河不  
斷水南流天色無情淡如水曼卿死後數年故人關  
詠夢曼卿曰延年平生作詩多矣獨嘗自以爲平陽  
代意一篇最爲得意而世人罕稱之能令余此詩盛  
傳于世在永言耳詠覺後增演其詞隱度以入迷神  
引聲韻於是天下爭歌之他日復夢曼卿致謝詠字  
求言

石曼卿自少以詩酒豪放自得其氣貌偉然詩格奇  
峭又工於書筆畫遒勁體兼顏柳爲世所好余家嘗  
得南唐後主澄心堂紙曼卿爲余以草書其籌筆驛  
詩曼卿平生所自愛者至今藏之號爲三絕真余家  
寶也曼卿卒後其故人有見之者云恍忽如夢中言

我今爲仙也所生芙蓉城欲呼故人往遊不得忿然  
騎一素驢去如飛後又云降於亳州一舉子家又呼  
舉子去不得因留詩一篇與之余亦記舉子一聯云  
鶯聲不逐春光老花影長隨日脚流鬼神事恠不  
可知其詩類類曼卿平生語舉子不能道也

趙師民

龍圖趙學士師民以醇儒碩學名重當世爲人沈厚  
端默羣居終日似不能言而於文章之外詩思尤精  
如麥天晨氣潤槐夏午陰清前世名流皆所未到也  
又如曉鶯林外千聲轉芳草堦前一尺長殆不類其  
爲人矣







花詩中此兩句尤奇麗東坡和少遊梅詩云西湖處士骨應槁只有此詩君壓倒僕意東坡亦有微意也然和靖詩對屬親切如贈煨藥秀才詩云鯤鵬懶擊三千水龍虎閑封六一泥

歐陽文忠公

一

歐陽公項謫滁州一同年忘其名將赴閩倅因訪之即席為一曲歌以為送日記得金鑾同唱第春風上國繁華而今薄宦老天涯十年岐路辜負曲江花聞說閩山通閩花樓高不見君家孤城寒日等閑斜離愁無盡紅樹遠連霞其飄逸清遠皆曲之品流也公不幸晚為儉人撰滛艷數曲附之以成其毀予皇祐中都下已聞此闋歌於人口者二十年矣嗟哉不能

苑

為之力辨公尤不喜浮圖文瑩湏持蘇子美書薦竭之殆選亦蒙詩見送有孤閑竺乾格平淡少陵才及聯句有林間著書就應寄日邊來之句人皆怪之

二

趙叔平罷參政致政居淮陽歐叔罷參政致政居汝陰叔平一日乘安輿來訪求叔時呂晦叔以金華學士知潁州啓宴以召二公於是歐公自為優人致語及口號高誼清才搢紳以為羨談口號曰欲知盛集繼荀陳請看當筵主與賓金馬玉堂三學士清風明月兩閑人紅芳已過鶯猶轉青杏初嘗酒正醇好景難逢良會少乘歡舉白莫辭頻

三

慶曆中西師未解晏元獻公殊為樞密使會大雪歐

謁



陽文忠公與陸學士徑同往候之遂致酒於西園歐陽公即席賦晏太尉西園賀聖歌其斷章句曰主人與國共休戚不唯喜悅將豈登須憐鐵甲冷徹骨四十餘萬屯邊兵晏深不平之嘗語人曰昔日韓愈亦能作言語每赴裴度會但云園林窮勝事鍾鼓樂清時却不會如此作鬧

梅聖俞

一

景祐末元昊叛夏鄭公出鎮長安梅送詩云亞夫金鼓從天落韓信旌旗背水陳是時詩甚多獨刻此于石文瑩頃遊郢中二邑僧壁尚有公之詩郢城新亭曰每到新亭即厭歸野香經雨長松圍四簷山色消繁暑一局碁聲下翠微冰片角巾簪澗月錦文奉石

砌苔磯近來學得籠中鶴回避流鶯笑不飛寒食訪僧云客舍愁經百五春雨餘溪竹綠無塵金花觸處送鞦鼓粉頰誰家闔草人水上碧桃流片段梁間新燕語逡巡高僧不飲容携酒來勸先朝放逐臣篇篇精絕不能盡錄公聞靈州陷衣胡服引單騎冒雪間道走清遠故城得其實奏請班師見玉壺清話

二

梅聖俞嘗於范希文席上賦河豚魚詩云春洲生荻牙春岸飛楊花河豚於此時貴不數魚鰕河豚嘗出於春暮羣遊水上食柳絮而肥南人多與荻牙為羹最羨知詩者謂祇破題兩句已道盡河豚好處聖俞平生苦於吟詠以閑遠古淡為意故其締思極艱此詩作樽俎之間筆力雄贍頃刻而成遂為絕唱



三

蘇子瞻學士蜀人也嘗於涪井監得西南夷人所賣蠻布弓衣其文織成梅聖俞春雪詩在聖俞集中末為絕句蓋其名重傳落夷狄子瞻以余尤知聖俞因以見遺余家舊畜琴一張乃雷會所斲其聲清越如擊金石遂以此布更為琴囊二物真余家之寶玩也

四

晏元獻公文章擅天下尤喜為詩而多稱張後進一時名士往往出其門聖俞平生所作詩多矣然獨愛其兩聯云寒魚猶著底白鷺已飛前又絮暖黃魚繁豉添蓴菜紫余嘗於聖俞見公自書手簡再三稱賞此二聯余疑而問之聖俞曰此非我之極致豈公偶自得意於其間乎乃知自古文士不獨知已難得知

人亦難也

五

宋元獻公庠初罷參知政事知揚州嘗以雙鵝贈梅堯臣堯臣作詩曰昔居鳳池上曾食鳳池萍乞與江湖走從教養素翎不同王逸少辛苦寫黃庭宋公得詩殊不悅

六

梅聖俞與謝氏中外親謝師直小名錦衣奴聖俞作詩戲之曰古錦裁詩句班衣戲坐隅木奴今正熟肯效陸郎無師直時十餘歲讀詩而悟見劉貢父詩話

蘇子美

一

松江新作長橋制度宏麗前世所未有蘇子美新橋



對月詩所謂雲頭豔豔開金餅水面沉沉卧綵虹者是也時謂此橋非此句雄偉不能稱蘇子美兄舜元字才翁詩亦道勁多佳句世獨罕傳其與子美紫閣寺聯句無愧韓孟也恨不盡見之耳

二

尚書郎周越以書名盛行於天聖景祐間然筆法軟俗殊無古氣梅堯臣作詩務為清切閑淡近代詩人鮮及也皇祐已後時人作詩尚豪放甚者粗俗強惡遂以成風蘇舜欽喜為健句草書尤俊嘗曰吾不幸寫字為人比周越作詩為人比梅堯臣良可歎也

東軒筆錄

三

蘇子美謫居吳中欲遊丹陽潘師旦深不欲其來宣

言於人欲拒之子美作水調歌頭有擬借寒潭垂釣又恐鷗鳥相猜不肯傍青綸之句蓋謂是也

晏元獻

晏元獻公喜評詩嘗曰老覺腰金重慵便枕玉涼未是富貴語不如笙歌歸院落燈火下樓臺此善言富貴者也人皆以為知言

二

晏元獻公雖起田里而文章富貴出於天然嘗覽李慶孫富貴曲云軸裝曲譜金書字樹記花名玉篆牌公白此乃乞兒相未嘗諳富貴者故公每吟詠富貴不言金玉錦繡而唯說其氣象若曰樓臺側畔楊花過簾幕中間燕子飛梨花院落溶溶月柳絮池塘淡



淡風之類是也。故公自以此句語人曰：窮鬼家有這景致也。無。晏相國今世之工爲詩者也。末年見編集者，乃過萬篇。唐人已來所未有。然相國不自貴重其文，九門下客及官屬解聲韻者，悉與之酬和。

真宗朝歲歲賞花釣魚羣臣應制嘗一歲垂池久之而御釣不食。丁晉公謂應制詩云：鶯驚鳳輦穿花去，魚畏龍顏上釣遲。真宗稱賞羣臣皆自以爲不及也。

范補之不貴於官而貴於詩又公制范補之不貴於官而貴於詩也。一。又公制范補之不貴於官而貴於詩也。

范諷自給事中謫官數年，方歸濟南城，有張氏園亭，數泉上出，有金線、真珠之目，水木環合，乃歷下之勝景。園亭主人乃張寺丞聰也。嘗邀范宴飲於亭，范題二韻詩于壁云：園林再到身由健，官職全拋夢乍醒。唯有南山與君眼，相逢不改舊時青。

二

鼎州甘泉寺介官道之側，嘉泉也，便於漱酌，行客未有不舍車而留者。始寇萊公南遷，日題於東楹曰：平仲酌泉經此，回望北闕黯然而去。未幾，丁晉公又過之，題於西楹曰：謂之酌泉禮佛而去。後范補之爲湖南安撫，留詩於寺曰：平仲酌泉回北望，謂之禮佛向南行。煙嵐翠鎖門前路，轉使高僧厭寵榮。詩牌至今猶存。已上見湘山野錄。



鍾離權

邢州開元寺一僧院壁有五代時隱士鍾離權草書詩二絕筆勢適逸詩句亦佳詩曰得道真僧不易逢幾時歸去願相從自言住處連滄海別是蓬萊第一峯其二曰莫厭追歡語笑頻尋思離亂可傷神閑來屈指從頭數得見昇平有幾人後劉從廣知邢州訪此寺遂命刊勒此詩于石

張宗永

張宗永華州人倜儻不羈善爲詩寶元中以職官知長安縣時鄭州陳相尹京兆宗永嘗以事失父意公有別業在鄆社縣間宗永知公好絕句詩乘間詣之於廳大書二韻云喬松翠竹絕纖埃門對南山盡日開應是主人貪報國功成名遂不歸來莊督錄以聞

公覽而善之待之如初宗永嘗有詩云大書文字隄防老剩買峯巒準備閑佳句甚多往往膾炙人口

馮太傅

馮太傅端嘗書一絕句云鳴鶴直上一千尺天靜無風聲更乾碧眼胡兒三百騎盡提金勒向雲看顧坐客曰此可盡於屏障乃柳如京塞上之作見倦遊雜錄

呂文穆

洛陽龍門有呂文穆公讀書龕云文穆昔嘗棲偃於此初有友二人一人則溫尚書仲舒一人忘其姓名而三人誓不得狀元不仕及唱第文穆狀元溫已先意然猶中甲科遂釋褐其一人徑拂袖歸隱後文穆作相太宗問昔誰爲友文穆即以歸隱者對遽以



著作佐郎召之不起故文穆罷相尹洛作詩曰昔作  
儒生謁真闈今提相印出黃扉九重鴛鴦醉中別萬  
里煙霄達了歸鄰叟盡垂新鶴髮故人猶著舊麻衣  
洛陽謾道多才子自嘆遭逢似我稀所謂故人蓋弁  
其友歸隱者也

王荆公

一

王丞相初得請於金陵出東府寓定力陽自題於僧  
壁云溪北溪南水暗通隔溪開得夕陽東當時諸葛  
成何事只合終身作卧龍

二

王荆公初罷相知金陵作詩曰投老歸來一幅巾君  
恩猶許備藩臣芙蓉堂下疏秋水聊與龜魚作主人

再罷相遂乞官觀以會靈觀使居鍾山又作詩曰乞  
得膠膠擾擾身鍾山松竹替埃塵只將鳧雁同爲客  
不與龜魚作主人

三

熙寧中詔王荆公及子雱同修經義經成加荆公左  
僕射兼門下侍郎雱龍圖閣直學士同日授命故元  
參政絳賀詩曰陳前輿服同相傳拜後金珠有魯公

四

熙寧初張侍郎揆以二府成詩賀王文公公和曰功  
謝蕭規慙漢第恩從隗始姪燕臺示陸農師曰蕭規  
曹隨高帝論功蕭何第一皆據故實而請從隗始初  
無恩字笑曰子善問也韓退之闢雞聯句感恩慙隗  
始若無據豈當對功字耶乃知前人以用事一字偏



枯爲倒置眉目返易巾裳其慎之如此

五

舒王題王昂霄水亭云蕭蕭搏黍聲中日漠漠春鋤影外天事實人多不知搏黍蓋黃鸝也黍方熟時鳴于桑間或謂之黃袍見詩疏春鋤鷺也爾雅曰鷺春鋤亦取其鷺之行步云皮日休詩數點春鋤煙雨微蓋言此爾

六

荆公愛看水中影此亦性所好如秋水寫明河迢迢藕花底又桃花詩云晴溝漲春淥周遭俯視紅影移魚舸皆觀其影也其後云攀條弄芳畏日晚已見黍雪盤中毛事見儀禮

王平甫

一

王平甫學士以高才碩學勁正不附麗熙寧中判官告院忽於秋日作官辭黜絳唇一闋其旨蓋有所刺以示其游魏泰歎曰公之辭美矣然斷章乃流離之思何也明年平甫竟以讒得罪廢歸金陵其詞曰秋氣微涼夢回明月穿簾幕井梧蕭索正遶南枝鵲寶瑟塵生金雁空零落情無託鬢雲重掠不似君恩薄

二

熙寧中高麗遣使人入貢且求王平甫學士京師題詠有旨令權知開封府元厚之內翰抄錄以賜時厚之自詣平甫求新著平甫以詩戲厚之曰誰使詩仙來鳳沼欲傳賈客過雞林

三



王安石俊邁而貌陋黑肥熙寧中余與同官于洛下嘗謂余曰子可作詩贈我余因接筆戲之曰飛卿昔魏溫鍾夔思道通悅還魁肥江淹善談筆五色庾信能文腰十圍只知外貌乏粉澤誰料滿腹填珠璣相逢把酒洛陽社不管淋漓身上衣安國由此不悅

蔡子正

一

蔡子正久在邊任晚年以龍圖閣直學士再守平涼作喜遷鶯詞一闋以自廣曰霜天清曉望紫塞古壘寒雲衰草漢馬嘶風邊鴻翻月隴上鐵衣寒早劍歌騎曲悲壯盡道君恩須報塞垣樂盡橐鞬錦領山西年少談笑刁斗靜烽火一把長報平安耗聖主深仁威稜遐布驕虜尚寬天討歲華向晚愁思誰念玉

關人老太平也且歡娛莫惜金樽頻倒此曲成大傳都下見倦遊雜錄

二

蔡挺自寶元已後歷邊任至於熙寧初猶師平涼會邊無事因作樂歌以教邊人有誰念玉關人老之句此曲盛傳都下未幾召為樞密副使

三

熙寧六年有司言日當食四月朔上為徹膳避正殿一夕微雨明日不見日食百官入賀是日有皇子之慶蔡子正為樞密副使詩前四句曰昨夜薰風入舜韶君王未御正衙朝陽輝已得前星助陰沴潛隨夜雨消其叙四月一日避正殿皇子慶誕陰雲不見日蝕四句盡之當時無能過之



張鄧公

一

退傅張鄧公士遊遜晚春乘安輦出南薰造都城游金明抵暮指宜秋而入闈兵捧牌請官位退傅止書一絕於牌云閑遊靈沼送春回關吏何須苦見猜八十衰翁無品秩昔曾三到鳳池來

二

退傅張公性喜山水宰邵武時多游僧舍至則吟哦忘歸嘗至西庵題詩曰西庵深入西山裡筭得當年少客遊密密石叢盤小徑涓涓雲竇瀉寒流松皆有節垂青蓋僧盡無心也白頭欲刷粉牌書姓字調官官冗不堪留又公嘗至寶蓋崑寺亦留題曰身為冠冕流心是雲泉客每到雲泉中便擬忘歸迹况茲寶

蓋崑天造清涼宅稅車官道傍誰知願言適又公嘗公牒至建寧縣過洛陽而山路險峭窮絕不可名狀亦題二韻於村寺曰金谷花時醉幾場舊遊無日不思量誰知萬水千山裡枉被人言過洛陽楊文公談苑稱楚僧惠崇詩於近代釋子中為傑出而歐陽少師歸田錄亦紀其佳句則不甚多余嘗見惠崇自撰句圖凡一百聯皆平生所得於心而可喜今試錄之書楊雲卿別墅云河分崗勢斷春入燒痕青長信詞云陰井生秋早明河轉曙遲送達上人西游云地形容蜀盡江勢抱巒回江行晚泊云嶺暮清猿急江寒白鳥稀上相公池上作云歸禽動疎竹落果響寒塘贈陳少府云野人傳相鶴山吏學彈琴夜坐云春淺水生井宵分月上軒贈凝上人云掩門青檜老出定



白鬕長送遷客云浪經蛟浦闊山入鬼門寒經綠公  
舊寺云遺偈傳諸國留真在一峯塞上云河水堅度  
馬塞雪苦藏鵬喜長公至云久別年顏改相逢夜話  
長隱者云多年不道姓近日旋移家宿東林寺云烏  
歸松墮雪僧定石沈雲上翰林王學士云露寒金掌  
重天近玉繩低柳氏書齋云著書驚日短彈劍惜春  
深上王太尉云探騎通蕃壘降兵逐漢旗田家秋夕  
云露下牛羊靜河明桑柘空舟行云林斷城隍出江  
分島嶼迴寄梅蘇州云鎖城山月上吹角海鷗驚宿  
揚侍郎東亭云卷幔來風遠移床得月多送程至云  
白浪分吳國青山隔楚天遊隱靜寺云空潭聞鹿飲  
踈樹見僧行送錢供奉巡警云劍佩明山雪旌旗濕  
海雲梅鼎臣河亭云曠野行人小長河去鳥平宿肇

公山齋云月高山舍迥霜落石門深送盧經西歸云  
霜多秦木迥雲蓋漢山孤濠梁夜泊云夜闌潮動舸  
秋迥月臨城崔仰秋居云葉影風中盡虫聲月下多  
贈裴史君云行縣山迎舸論兵雪繞旂早行云繁霜  
衣上積殘月馬前低秋夕云磬斷虫聲出燈迴鶴影  
沈書韓退之屋壁云移家臨醜石租地得靈泉秋夕  
懷長公云秋近草虫亂夜遙霜月低觀宴鄉老云海  
鷗聽舜樂山老醉堯觴贈素上人云中食下林狃狃  
夜禪移塚狐晚夏夜云扇聲猶泛暑井氣忽生秋江  
行早發云殘月楚山曉孤烟江厝春宿翻經館靖少  
卿房云梵容分古像唐語入新經題王太保道院云  
鶴傳滄海信僧和白雲詩秋夕懷汪白云寒禽栖古  
柳破月入微雲贈白上人云花漏沈山月雲衣起海



風喜陳助至云樓中天姥月坐上杜陵人冬日野望  
去人歸岡舍迥鴈過渚山遙送人牧榮州云山色臨  
巴迥江流入漢清春申道中云湘雲隨鴈斷楚路背  
人遙贈李道士云松風吹雪亂岩溜濺碁寒栖霞寺  
云境閑僧度水雲盡鶴盤空林逋河亭云古路隨崗  
起秋帆轉浦斜楊秘監池上云禽寒時動竹露重忽  
翻荷魏野山亭云嵐重琴碁濕風長枕簟寒塞下云  
夜梵通雲竇秋香滿石叢陝西道中云關河雙鬢白  
風雪一燈青送防秋楊將軍云殺氣生龍劍威風動  
虎旗瓜州亭子云落潮鳴下岸飛雨暗中峯賀劉舍  
人云日躔黃道迥春入紫微深除夜云寒燈催臘盡  
曉角喚春歸幽并道中云鴈行沉古戍鵬影轉寒沙  
送僧歸天台云景霽雲迴合秋生樹動搖過陳搏舊

居云亂水僧頻過荒松鶴不還宿橫江館云露館濤  
驚枕空庭月伴琴維邢道中云馬渡冰河闊鵬盤磧  
日高國寺秋居云驚蟬移古柳聞雀墮寒庭書平上  
人山房云松風傳夕磬溪霧擁春燈觀南郊天仗云  
霓旌搖曙景鳳吹繞春雲贈義省上人云坐石雲生  
衲漆泉月入瓶昇平詞云萬國無刑治三邊不戰平  
國清寺云暝鶴樓金刹秋僧過石橋呂氏西齋云雲  
殘僧掃石風動鶴歸松劉參幽居云風暖鳥巢木日  
高人灌園楊都官池上云竹風驚宿鶴潭月戲春魚  
書矯方屋壁云圭竇先知曉盆池別見天送陳舍人  
巡撫云月露踈寒粹雲濤閃畫旂宿齋上人禪齋云  
鶴驚金刹露龍蟄玉瓶泉春日寇官贄池上云暄風  
生木末遲景入泉心七夕云河來天上闔雲度月邊



經贈王道士云海人來相鶴山狃下聽琴送孫荊州  
云畫鷁浮秋浪金鏡響夕雲江城晚望云丹楓映郭  
迥綠嶼背江深題王太保山亭云危溜含清瑟飛花  
點玉觴送李秦州云朱旗凌雪卷畫角入雲吹書上  
入西齋云孤雲還靜境遠籟發秋空李太傅山莊云  
困碁分雪石汲井動金沙宮中詞云井含春氣碧樓  
轉夕陰清送吳袁州云鳥暝風沉角天清月上旗寄  
肇公云斜吹鳴金錫歸雲擁石床塞上云占戍生烟  
直平沙落日遲贈嗣上人云拂石雲離箒嘗茶月入  
鐙舟行云遠嶼迎橋出寒林帶岸回送延上人云來  
時雲擁衲別夜月隨筇馬蟻淮亭云路橫崗燒斷風  
轉浦帆斜上戴殿前太保云劍靜龍歸匣旗閑虎繞  
竿高誼書齋云品畫逢名岳橫琴憶古賢太一山云

雲陰移漢塞石色入秦天塞上送人云地遙羣鳥小  
天闊一鵬平范溶園池云江花凌霰發山溜入池深  
獵騎云長風躍馬路小雪射鵬天高略書院云古木  
風煙盡寒潭星斗明送段工部河北轉運云渡河風  
動旆巡部兩霑車

三

張退傅相公與陳文惠公同秉政張既以帝傳致政  
有詩寄文惠曰赭按當年並命時蒹葭衰颯倚瓊枝  
皇恩乞與桑榆老鴻入高冥鳳在池張公既退居年  
七十八歲有除夜詩八十光陰有二年煙蘿門戶喜  
開關近來無柰山中相頻寄書來許綴班退傅以八  
十二歲薨正八十有二之識見倦遊雜錄







不與獨立敢言人所難去國一身輕似葉高名千古重於山並遊英俊顏何厚已死姦雄骨尚寒天爲吾皇扶社稷肯教夫子不生還

二

唐子方始彈張堯佐與諫官皆上疏及彈文公則吳奎畏縮不前當時謂拽動陣脚及唐爭論於上前遂并及奎之背約執政又黜奎而文公益不安遂罷政事時李師中作詩送唐略曰並游英俊顏何厚已死姦諛骨尚寒厚顏之句爲奎發也

龔穎

龔穎自負文學少許可又談論多所折難太宗朝知郎州士罕造其門獨丁謂摯文求見穎倒屣延延迓酬對終日以至忘食曰自唐韓柳後今得子矣翼日

丁獻詩於穎穎次韻和酬曰膽怯何由帶鐵冠祇緣昭代獎孤寒曲肱未遂違前志直指無聞是曠官三署每傳朝客說五溪閑凭郡樓看祝君早得文場雋况值天階正舞干

馮瀛王

馮瀛王詩雖淺近而多義理若但知行好事莫要問前程須知海岳歸明主未省乾坤陷吉人之類世雖盛傳而罕見其全篇今並錄之詩曰窮達皆由命何勞發嘆聲但知行好事莫要問前程冬去冰須泮春來草自生請君觀此理天道甚分明又偶作云莫爲危時便愴神前程往往有期因須知海岳歸明主未省乾坤陷吉人道德幾時曾去世舟車何處不通津但教方寸無諸惡狼虎叢中也立身



杜祁公

杜祁公酷嗜吟詠致政後作林下書懷詩曰從政區區到白頭一生寧肯顧恩讎雙鳧乘鴈常深媿野馬黃羊亦過憂豈是林泉堪佚老只緣蒲柳不禁秋始終幸會承平日樂聖惟能擊壤謳然余不見野馬黃羊事後讀唐張說傳乃見之則所謂吾肉非黃羊必不畏喫血非野馬必不畏刺是也

邵樞密

樞密邵公亦蒙見知屢加論薦嘗謂余詩淺切有似白樂天一日閱相國寺書肆得馮瀛王詩一秩不歸以語之公曰子詩格似白樂天今又受馮瀛王將來拾取箇豁達李老慶曆中京師有民自魏豁達李老每好吟嘯而詞多鄙俚故以戲之遂皆大笑然余賦

今

才鄙拙不能強為豪英令齒已老而詩格定時時遣興實有李老之風足見公之知言也熙寧中余辟定武主管機宜文字公時收鄆州附所作詩一大軸并寄余詩曰流年真似隙中駒別後情懷懶似踈天上又頒新歲曆床頭未荅故人書慙慙羔鴈功曹檄狼籍盃盤上客魚好在仲宣家萬里從軍苦樂定何如未幾公即捐館迄今追念知己每增感愴

劉昌言

劉昌言極有才思嘗下第作詩落句云唯有夜來蝴蝶夢翩翩翻飛入刺桐花後為商丘記室王禹偁贈詩曰年來復落事堪嗟載筆商丘鬢欲華酒好未陪紅杏宴詩狂多憶刺相花蓋謂是也刺桐花深紅每枝數十苦藟而葉頗大類桐故謂之刺相唯閩中



有之

潘道遥

昔王維愛孟浩然吟哦風度則繪為圖以翫之李洞慕賈島詩名則鑄為像以師之近世有好事者以潘閻邀遊浙江詠潮著名則亦以輕綃寫其形容謂之潘閻詠潮圖閻酷嗜吟詠自號道遥子嘗自詠苦吟詩曰髮任莖莖白詩須字字清又貧居詩曰長喜詩無病不憂家更貧又峽中聞猿云何須三叫絕已恨一聲多哭高舍人云生前是客曾投卷死後何人與撰碑寄張詠云莫嗟黑髮從頭白終見黃河到底清皆佳句也故宋尚書白贈詩曰宋朝歸聖主潘閻是詩人又王禹偁亦贈詩云江城賣藥常將鶴古寺看碑不下驢其為名公賞激如此

王章惠

王公隨惟嗜吟詠有宮詞云一聲啼鳥禁門靜滿地落花春日長又野步云桑斧利春色漁歌唱夕陽皆公應舉時行卷所作也

曹武毅

曹翰嘗平江南有功後歸環衛數年不調一日內宴太宗侍臣皆賦詩翰以武人不預乃自陳曰臣少亦學詩亦乞應詔太宗笑而許之曰卿武人宜以刀字為韻翰援筆立進因以寄意曰三十年前學六韜英名嘗得預時髦曾因國難披金甲不為家貧賣寶刀臂健尚嫌弓力軟眼明猶識陣雲高庭前昨夜秋風起羞見盤花舊戰袍太宗覽之惻然即自環衛驟遷數級



蘇爲

蘇爲酷嗜吟詠知湖州日有詩數十首唯一篇最爲絕唱曰野艇閑撐處湘天景亦微春波無限綠白鳥自由飛柳色濃垂岸山光冷照衣時携一壺酒戀到晚涼歸在宣城亦有詩十首皆以宣城爲目內宣城花一首尤爲清麗曰宣城花疊嶂樓前簇綺霞若非翠露陶潛柳卽是紅藏小謝家又嘗知邵武軍亦有小詩十首唯一篇最善曰愛重八九月登臨高下樓紅雲白颯起寒瀨泊漁舟

劉沈

劉沈與鄉人尹鑒少同場屋劉已登第大拜皇祐中君以恩榜始登第劉以詩送之曰少年相歎老相逢鄉舉雖同遇不同我亦位塵三事後君方名列五科

中榮登莫計名高下官達湏由善始終若到鄉關人見問爲言歸思滿秋風

張師錫

張師錫年八十餘卒又有喜子及第詩曰御榜今朝至見名心始安爾能俱中第吾遂可休官賀客留連飲家書反覆看世科雖不繼得慰二親難蓋張氏嘗有中魁甲者故詩有世科之語

寇萊公

向敏中寇準同以太平興國五年登科後向秉鈞寇以使相知永興軍向作絕句贈寇寇酬之曰玉殿登科四十年當時僚友盡英賢歲寒惟有君兼我白首猶持將相權

見青箱雜記

陳恭公



貳

陳恭公執中以衛尉寺丞知梧州驛遞上疏乞立儲  
式真宗喜其敢言翊日臨朝袖其疏以示執政嘆  
想久之召為右正言然為王冀公所忌一日真宗  
賦御溝柳詩宜自宰相兩省皆和進恭公因進詩曰  
一度春來一度新翠光長得照龍津君王自愛天然  
態恨殺昭陽學舞人

宋子京

韓魏公知定州日作閱古堂自為記書于石後又書  
魏公像於堂上宋子京知定州作樂歌十闋其一曰  
聽說中山好韓家閱古堂畫圖真宰相刻石好文章  
魏公聞之不喜

胡恢

金陵人胡恢博物強記善篆隸臧否人物坐法失官

十餘年潦倒貧困赴選集于京師是時韓魏公當國  
恢獻小詩自達其一聯云建鄴關山千里遠長安風  
雪一家寒魏公深怜之令蒙大學石經因此得復官  
任華州推官而卒

魏野

蜀人魏野隱居不仕官善為詩以詩著名卜居陝州  
東門之外有陝州平陸縣詩云寒食花藏院重陽菊  
遶灣一聲離岸櫓數點別州山最為警句所居頗瀟  
洒當世顯人多與之游寇忠愍尤愛之嘗有贈忠愍  
詩云好向上天辭富貴却來平地作神仙後忠愍鎮  
北都召野置門下北都有妓女美色而舉止生梗士  
人謂之生張八因府會忠愍今乞詩於野野贈之詩  
曰君為北道生張八我是西州熟魏三莫惜樽前無

今



笑語半生半熟未相諳吳正憲懷陝郊詩云南郭迎  
天使東郊詔隱人隱人謂野也野死有子閑亦有清  
名今尚居陝中

朱台符

朱台符眉州人俊邁敏博少有賦名同輩課試以尺  
度其晷台符八寸而一賦已就九有所作文字其雕  
篆皆類於賦章疏歌曲亦然河西作梗因上封事其  
略曰且夫結之以恩者彼必懷之示之以威者彼必  
畏之若爾則所謂繼遷者自當革心而束手歎塞而  
旋庭矣又嘗為數闋其略曰歌遏雲兮慘容舞回雪  
兮腰一擗又曰顰多而翠黛難成望極而烏雲易散  
當本深心兮牡丹期到如今兮賜冰頰扇鄉人田錫  
嘗曰朱拱三一闋乃閨怨賦一首只少原夫

錢熙

錢熙泉南才雅之士進四夷來王賦萬餘言太宗  
愛其才擢館職有司請試上笑曰試官前進士趙某  
親自撰中嘗撰三釣酸文舉世稱精絕略曰渭川凝  
碧早拖釣月之流商嶺排青不遂眠雲之侶又曰年  
年落第春風徒泣於遷鶯處處羈遊夜雨空傷於斷  
雁其文數千言率類於此卒鄉人李慶孫為詩哭之  
曰四夷妙賦無人誦三釣酸文本世傳

汪處士

文瑩至長沙首訪故國馬氏天策府諸學生所著文  
章擅其名者惟徐東野李弘高爾遂得東野詩浮脆  
輕艷皆鉉華歌舞媚一時樽俎爾其句不過牡丹宿  
醉蘭蕙春悲霞宮日城翦紅刻翠而已獨汪處士一



篇庶乎可採曰門在松陰裏山僧幾度過藥靈丸不  
大基妙子無多薄霧濛寒徑殘風戀綠蘿金烏兼玉  
兔年幾柰君何又得弘高雜文十卷皆締章繪句雖  
斷斷者亦能道信乎文之難也

見玉壺清話

### 徐鉉

太祖太宗下諸國其偽命臣僚忠於所事者無不面  
加獎激以至弄瑕錄用故徐鉉潘耆脩輩皆承眷禮  
至如衛融張洎應荅不遜猶優假之故雖踈遠冠讎  
無不盡其忠力太平興國中吳王李煜薨太宗詔  
侍臣撰吳王神道碑時有與徐鉉爭名而欲中傷之  
者面奏曰知吳王事跡莫若徐鉉為詳太宗未悟  
詔徐鉉撰碑鉉遽請對而泣曰臣舊事李煜陛下容  
臣存故主之義乃敢奉詔太宗始悞讓者之意許

之故鉉之為碑但推言歷數有盡天命有歸而已其  
警句云東鄰結禍南箕扇疑投抒致慈親之惑乞火  
無里婦之談始勞因壘之師終後塗山之會又有偃  
主仁義之比太宗覽讀稱嘆異日復得鉉所撰吳  
王挽詞三首尤加歎賞每對宰臣稱鉉之忠義吳王  
挽詞今記者二百首曰倏忽千齡盡冥茫萬事空青松  
洛陽陌荒草建康宮道德遺文在興衰自古同受恩  
無補報反袂泣塗窮土德承餘烈江南廣舊恩一朝  
人事變千古信書存哀挽周原道銘旌鄭國門此生  
雖未死寂寞已消魂李王葬北邙江南錄乃鉉與湯  
說奉詔撰故有鄰國信書之句東鄰謂錢俶也

### 黃孝先

宗袞嘗賞黃子溫詩子溫名孝恭天聖八年登進士



第爲大理寺丞失官其從兄子思亦善詩詠懷曰日者未知裴令貴世人爭笑禰生狂重午句曰風簾燕引五六子露井榴開三四花子思名孝先天聖二年登進士第終太常博士

賈公餗

蔡文忠公擢進士第一以將作丞倅充將母之官年少氣銳日沈酣以酒色廢務賢良賈公餗居郡中屢謁不得見因書一絕屏間聖君寵厚龍頭選慈母恩深鶴髮垂君寵母恩俱未報酒如爲患悔何追文忠見之亟往泣謝自是終身不飲酒

王君王

王君玉琪詩務刻琢而深淳獨至高視古今每云初學詩易於形狀寫物而難於題贈至成一家言則反

此君玉秋後蓮實詩蚕寒冰蚕瘦蜂老露窠歌此與曲盡其妙也他詩數百十首字字清峙讀之如咀冰嚼雪若魚寒不食清池釣鷺靜頻驚小閣碁聞角詩隴鴈半驚天在水征人相顧月如霜之類是也

李邕鄆

李邕鄆公作詩格句自三字至九字有五句成篇者盡古今詩之格律足以資詳博不可不知也伯父娶邕鄆孫女嘗聞邕鄆公與小宋飲酒舉一物隸僻事以多者爲勝飲不勝者他人莫敢造席

張文定

張司空齊賢致仕歸洛康寧富壽先得裴晉公午橋莊鑿渠周堂花竹照日與故舊乘小車携觴游釣傍於門曰老夫已毀裂軒冕或公綬乘訪不敢拜見造



一卧榻輦以視田稼醉則憇於木陰酒醒則起嘗作詩戲示故人午橋今得晉公廬花竹煙雲興有餘師亮白頭心已足四登兩府九尚書公慕唐李文亮為人對上前申明律意惟務裁減又奏乞罷三班吏杖罰請從贖論皆可之見王壘清話

### 王化基

王化基言任中丞日鞫祖吉獄吉知晉州受賕事敗詢其土豪王某者云吾小民見州將貧乏相醮率為一日之壽豈知其犯法哉悵歎不已化基詰其前後郡守王某言三十年已來唯梁都官不受一錢餘無免者乃梁勛也勛漢乾祐中司徒調下進士乃第有文詞太祖欲令知制誥為時宰所忌遂止化基言於太宗時勛以老病不任吏事特授華州行軍司馬

及

給郎中俸料其子昭璉亦舉進士得杭州從事化基送以詩曰文章換柱雙枝秀清白傳家兩地貧人多傳誦見楊文公談苑

### 王嗣宗

种放以處士召見拜官真宗待以殊禮名動海內後謁歸終南山恃恩驕倨甚王嗣宗時知長安放至通判以下羣拜謁放小俛垂手接之而已嗣宗內不平放召其諸姪出拜嗣宗嗣宗坐受之放怒嗣宗曰曷者通判以下拜君扶之而已此白丁耳嗣宗狀元及第名位不輕胡為不得坐受其拜放曰以手搏得狀元耳何足道也嗣宗怒遂上疏言放實空疎才識無以踰人專飾詐巧盜虛名陛下尊禮放擢為顯官臣恐天下竊笑益長澆偽之風且陛下召魏野閉門



避匿而放陰結權貴以自薦達因抉擿言放陰事數  
條上雖兩不之問而待放之意寢衰齊州進士李  
寇嘗獻嗣宗詩曰終南處士聲名滅邠土妖狐窟穴  
空

張乖崖

張忠定公諫布衣希夷先生一見竒之公曰願分華  
山一半居可乎先生曰於公固可及別贈以毫楮公  
曰是將嬰我以世務也後公貴顯果以名德重天下  
將赴劔南以詩寄先生曰性愚不肯林泉住剛要清  
流擬致君今日星馳劔南去回頭慙愧華山雲及還  
又有詩曰世人太抵重官榮見我東歸夾道迎應被  
華山高士笑天真喪盡得虛名

見湘水燕談

聳隅子

黃晞閩人好讀書客遊京師數十年不歸家貧謁索  
以爲生衣不蔽體得錢輒買書所費殆數百緡自號  
聳隅子石守道爲直講聞其名使諸生如古禮執羔  
鴈束帛就里中聘之以補學職晞固辭不就故歐陽  
求叔哭徂徠先生詩云羔鴈聘黃晞晞驚走鄰家是  
也著書甚多至和中或薦於朝除試大醫助教月餘  
未及具綠袍遇疾暴卒有子甚遇曾所聚及自著書  
皆散失無存者

見涑水紀聞

王沂公

王沂公爲布衣時以所業贄呂文穆蒙正中有早梅  
詩其警句云雪中未論和羹事且向百花頭上開文  
穆云此生次第已安排作狀元宰相矣已而果然見

魏王語錄



僧有朋

浮圖能詩者不少士大夫莫為汲引多汨沒不顯予嘗在福州見山僧有朋有詩百餘首其中佳句如虹收千嶂雨潮展半江天詩因試客分題僻基為饒人下著低不減唐人

花藥夫人

孟蜀時花藥夫人能為詩而世不傳傳其歌詞清婉可聽它日王平甫治館中發書得其七言詩一卷題云八十九首而存者才三十餘篇大約似王建宮詞一篇云厨舡進食簇時新列坐無非侍從臣日午殿頭宜索鱠隔花催喚打魚人又云月頭支給買花錢滿殿宮娥近數千遇着唱名多不語含羞急過御床前它篇類此

楊玠

楊玠靖恭虞卿之曾孫也仕前偽蜀王建至顯官隨王衍歸後唐以老得工部尚書致仕歸長安舊居多為鄰里侵占子弟欲詣府訴其事以狀白玠玠批紙尾云四鄰侵我我從伊畢竟湏思未有時試上含元殿基望秋風秋草正離離子弟不敢復言

孫僅

孫何孫僅俱以能文馳名一時僅為陝西轉運使作驪山詩二篇其後篇有云秦帝墓成陳勝起明皇宮就祿山來時方建玉清昭應宮有惡僅者欲中傷之因錄其詩以進真宗讀前篇云朱衣吏引上驪山邊曰僅小器也此何足誇遂弃不讀而陳勝祿山之語卒不得聞人以為幸也見廬陵居士集



王禹玉

京師祭二社多差近臣王禹玉在兩禁二十年熙寧三年為翰林丞旨又膺是任題詩齋宮曰鄰雞未動曉驂催又向靈壇飲福盃自笑治孽不知足明年強健更重來執政聞而怜之見倦遊雜錄

陳烈先生

陳烈先生幼嘗與蔡君謨同硯席時君謨出鎮福唐東吏治民毫髮不容一日烈往見之維舟庭下聞其嚴察不往謁之但留詩于亭曰溪山龍虎蟠溪水鼓角喧中宵鄉夢破六月夜衾寒風雨生殘樹蛟螭喜怒瀾啟勤祝舟子移棹過前灘亭吏不敢隱錄詩吳公自是公為之少霽威稜

新雕 皇朝類苑卷第三十六

新雕 皇朝類苑卷第三十七

詩歌賦詠

真宗親選兩制館閣送劉總詩

樞密直學士劉維出鎮并門兩制館閣皆以詩寵其

行因進呈 真宗深究詩雅時方競務西崑體磔裂

彫篆親以御筆選其平淡者止得八聯晁迥云夙駕

都門曉微况苑樹秋楊億止選斷句云關榆漸落邊

鴻度誰勸劉郎酒十分朱異云塞垣古木含秋色祖

帳行塵起夕陽李維云秋聲和暮角膏雨逐行軒孫

僅云汾水冷光搖畫戟蒙山秋色鎖層樓錢惟演云

置酒軍中樂聞笳塞上清都尉王貽求云河朔雪深

思愛日并門春暖詠甘棠劉筠云極目關山高倚漢

順風鵬鷲遠凌秋上謂綜曰并門在唐世將相出鎮



九抵治遣從事者以題詠述寵行之句多寫於佛宮  
道宇纂集成編目太原事績後不聞其作也綜後寫  
御選句圖立於晉祠

干越亭詩

公言咸平初罷處州赴闕道經饒州餘干縣登干越  
亭前瞰琵琶洲後枕思禪寺林麓森鬱千峯競秀真  
天下之絕境古今留題者百餘篇張祐云扁舟亭丁  
駐煙被十五年遊重此過洲莆露沙人渡淺風梢藏  
竹鳥啼多層欄漲水痕猶在古板題詩字已訛况是  
高秋正圓月可堪聞聽異鄉歌劉長卿云天南愁望  
絕亭下柳條新落日獨歸鳥孤舟何處人生涯投越  
嶠世業陷胡塵草色迷紅路鶯聲傍逐臣秦臺悲白  
首楚渚怨青蘋杳杳鍾陵暮悠悠鄱水春獨醒翻取

波

笑直道不容身得罪風霜苦全生天地仁青山數行  
淚滄海一窮鱗流落機心盡空憐鷗鳥親二篇絕唱  
也

雍熙以來文士詩

公言自雍熙初歸朝迄今三十年所聞文士多矣其  
能詩者甚鮮如侍讀兵部夙擅其名而徐鉉梁周翰  
黃夷簡范杲皆前輩鄭文寶薛映王禹偁吳淑劉師  
道李宗諤李建中李維姚陳堯佐悉當時濟流後來  
之著聲者如路振錢熙丁謂錢易梅詢李挺蘇為朱  
巖陳越王曾李堪陳詒呂夷簡宋綬邵煥晏殊江任  
焦宗古布衣有錢塘林通縉雲周啓明錢氏諸氏有  
封宇惟濟供奉官昭度鄉曲有今南鄭殿丞兄故黎  
州家君及高安簿覺宗人字牧之子並有佳句可以



摘舉而錢惟演劉筠特工於詩其警策殆不可遽數  
自兵部而下公之所嘗舉今略記之兵部春望云杏  
杏烟蕪何處盡搖搖風柳不勝垂徐鉉遊木蘭亭云  
蘭煙破浪城陰直至勒穿花苑樹深觀習水戰云千  
帆日助陰山勢萬里風馳下瀨聲病中題云向空咄  
咄煩書字與世滔滔莫問津謫居云野日蒼茫悲鵬  
舍水風陰溼弊貂裘陳秘監歸泉州云三朝恩澤馮  
唐老萬里江關賀監歸宿山寺云落宿依樓角歸雲  
擁殿廊梁周翰應制云百花將盡牡丹拚十雨初晴  
太液春黃夷簡題人山居云宿雨一番疏甲拆春山  
幾焙茗旗香范杲講聖云千里版圖來澗右一聲金  
鼓下河東鄭文寶春郊云百草千花路華風細雨天  
重經貶所云過關已躍檣蒲馬誤喘猶驚顧兔屏洛

城云星沈會節歌鍾早天半上陽煙樹微張靈州云  
越絕曉殘蝴蝶夢單于秋引畫龍聲長安送別云杜  
曲花光濃似酒灞陵春色老於人送人歸湘中云蒲  
帆西日催行客一夜東風落楚梅南行云失意慣中  
遷客酒多年不見侍臣花悽靈云舊井霜封仙界橘  
雙溪晴落海邊鷗送人知韶州云人辭碧落春風晚  
花老朱陵古渡頭永熙陵云承露氣清駒送日觚稜  
人靜鳥呼風邊上云髻間相似雪峯外寂寒烟薛映  
送人鄂州云黃鵠晨霞傍樓起頭陀秋草繞碑荒吳  
淑送朱致政云浴殿夜涼初閣筆渚官歲晚得懸車  
劉師道寄別云南浦未傷春草碧北山仍愧曉猿驚  
與張泌云夕師金馬客勅敵玉溪生荷花云有路期  
奔月無媒與嫁春殘花云金谷路塵埋國艷武陵溪



皇朝卷十七  
水泛天馨寄陳龍圖云城瞻北斗天何遠夢斷南柯  
日未沉歎世云野馬飛窓日醯雞舞甕天春雪云青  
帝翠華沈物外素娥嬾影弔雲端又雪云三千世界  
銀成色十二樓臺玉作層湘中云逝波帝子魂何在  
芳草王孫怨未歸李宗諤春郊云一溪晚綠浮鷓鴣  
萬樹春紅叫杜鵑蘇丞首云金鸞後記人爭寫王畧  
新碑帝自書李建中送人云山程授館聞鴻夜水國  
還家欲雪天李維渚官亭云故宮芳草在往事暮江  
流朱致政云清朝納祿猶強健白首還鄉正太平和  
人贈馬太保云轉眄回巖電分鬚磔蝟毛寄洪湛云  
謫去賈生身健否秋來潘岳鬢班無姚鉉錢塘郡云  
疏鐘天竺曉一鴈海門秋陳堯佐潮州徵還云君恩  
來萬里客路出千山送种放云風樵若邪路霜橘洞

庭秋送朱荆南云部吏百函通爵里從兵千騎屬鞬  
紫錢脚送人金陵拜掃云鶴歸已改新城郭牛卧重  
尋舊墓田丁謂和錢易云珊瑚新筆架雲母舊屏風  
送章南安云梅花過嶺路桃葉渡江舟章明州云泣  
珠泉客通關市種玉仙翁寄版圖陳荆南云楚呼夢  
雲鈴閣密郢人歌雪射堂開錢易畫景云雙峰上簾  
額獨鵲裊庭柯芭蕉云綠章封奏緘初啓青鳳求皇  
尾乍開梅詢陰陵云千重漢圍合一夜楚歌聲李拱  
春題村舍云犬眠花影地牛牧雨聲坡蘇為湖亭云  
春波無限綠白鳥自由飛劉端州云夜浪珠還浦春  
泥象印蹤朱巖贈徐常侍云寓直有誰同騎省立班  
獨自戴貂冠陳越侍宴云十鍾人既醉九奏鳳來儀  
與劉從云誰哀城下甃不廢洛中吟李秦州云擁路



東方騎懸腰左頽龜王曾李駙馬拜陵云人畏軒臺  
久春歸雨澤多李堪哭黎州家君云桐鄉留語華絲  
路在生悲周建州云海月隨帆落溪花繞驛流送人  
云雷風有約春蚪振霜雪無情紫蕙枯退居云雨密  
絲桐潤潮平釣石沈陳詒閑居云籠鷄對窓語三雀  
遶門飛呂夷簡早春云梅無驛使飄零盡草怨王孫  
取次生九日呈梅集仙云人歸北闕知何日翁映東  
籬似去年寒食云人爲子推初禁火花愁青女再飛  
霜宋綬送人知江陵云奇才劔客當前隊麗賦騷人  
記後車送人洪州云江涵帝子暈飛閣山際真君鶴  
馭天周賢良云楚澤傷春悲鶻鷓長安索米愧侏儒  
邵煥送晏集賢南歸云舡官風破浪關吏鼓通晨晏  
殊與張臨川云籬邊菊秀先生醉桑下鷓嬌稚子仁

又云東陽詩骨瘦南浦別魂消章明州云騷客江山  
知有助秦源雞犬更相聞送人洪州云衝斗氣沉龍  
已化置翁人去榻猶懸江任送人云珠盤臨路泣斗  
印入鄉提焦宗古送人遊蜀云芳樹高低啼蜀魄朝  
雲濃淡極巴天贈周賢良云南陽客自繡龍卧東魯  
人應嘆鳳衰林逋湖山云片月通蘿徑幽雲在石床  
周啓明近臣疾愈云一九童子藥五返使人車皇甫  
提刑云鷗夷江上畚田稔牛斗星邊貫索空錢惟濟  
太一宮醮云庭下焚香連宿霧林間鳴佩起摟鸞從  
駕西巡云曉陌壺漿滿春風騎吹長故王第云鳳簫  
通碧落星石辨靈源錢昭度村居云黃蜂衙退海潮  
上白蟻戰酣山雨來大寒云雨被北風湏作雪水愁  
東海亦成冰金陵云西北高樓在東南王氣銷梅花



云東北風吹大庾嶺西南日映小寒天雁云三年別  
館風吹入萬里長沙月照來秋日華山云人間路到  
三峯盡天下秋隨一葉來又鄭畧丞云青鳥幾傳王  
母信白鵝曾換右軍書將至京云近闕已瞻龍虎氣  
思鄉猶望斗牛星家君黎州赦至云山川百蠻國雨  
露九天書寄遠云胡越自爲迢迢國參商元是別離  
星自遣云天上義輪都易失人間堯曆自難逢哭儲  
屯田云部中車雨春無潤天上郎星夜殞光感悟云  
頓纓狂走鹿吮沫倦遊鱗心知云遠別苦驚雲聚散  
相逢多倍月虧盈自詠云剛腸欺竹葉衰鬢怯菱花  
淚云一班早寄湘川竹萬點空遺峴首碑春晝云人  
歸漢后黃金屋燕在盧家白玉堂寄人云世味嫌爲  
枳時光怨落莫閑居云歌懷飯牛起書憤抱麟成蟬

云二子自不食三閭何獨清登樓云遠水淨林色微  
雲生夕陽詠塵云已傷花榻滿休妬畫梁飛九公之  
所舉者甚多值公病心煩不喜人申問今聊記其十  
之一二耳

錢惟演劉筠警句

近年錢惟演劉筠首變詩格學者爭慕之得其標格  
者蔚爲嘉詠二君麗句絕多如惟演奉使塗中云雪  
意未成雲著地秋聲不斷鴈連天又云客亭狀見名  
長短村酒那能辨聖賢送僧遊楚云宿舍孤煙起行  
衣夢雨涼張井州云戈矛巡霧夕鍾鼓宴蕭晨章衢  
州云平檻曉波吳舫渡遶城春樹越禽飛章南安云  
離人南浦多春草越鳥棲枝有早梅劉潭州云坐激  
鮮飈湘竹晚樹含涼雨越禽歸李太僕北使云漢幟



隨移帳燕鴻伴解鞍何袁州云踈鐘靜起軍城晚華  
表雙高水國秋陳江陵云深沈珠網通歸夢紫翠春  
山接去舟太一宮云神庭古栢啼鳥起齋室虛簾宿  
霧通送人云思滿離堂酒魂驚客舍烏高泉州云東  
南一尉宵烽息西北高樓晚望迷章分寧云小雨郊  
原連苦霧夕陽樓閣照丹楓東封應制云羽毛襄野  
駕宴喜魯郊民送予知處州云輕飈使車遠明月直  
廬空張僕射判河陽云繡野桑麻連四水黃堂歌吹  
擁千兵孫永興云魚尾故宮迷草樹龍鱗平隰自風  
烟漢武云立候東溟邀鶴駕窮兵西極待龍煤公子  
云歌翻南國桃根曲馬過章臺杏葉鞦擗花云欲作  
飛煙散猶憐反照遲荷花云渡有鮫人見魂須宋玉  
招禁中鶴云天淵風雨多秋思遼海煙波失舊期無

題云有時盤馬看猶懶盡日投壺笑未回又云春瘦  
已寬連理帶夜長誰有辟寒金元夜云千枝火樹連  
金秋萬里霜輪上璧璫馬延州云沃野桑麻涵細雨  
嚴城鼓角送殘陽劉筠禁直云雨勢宮城闊秋聲禁  
樹多陝州從事云角迥含商氣橋長斷洛塵周賢云  
崎嶇一乘傳憔悴五羊皮章南鄭云渝舞氣豪傳漢  
俗丙魚味羨敵吳鄉李太僕北使云惟月卿曹重占  
星使者賢送僧云卷衲城鐘斷楮筇嶽雨餘僧崇惠  
云醉令難同社仙鵝有換書葉金華云柔柔敵野鳴  
雛雉高柳含風變早蟬劉潭州云膝席久虛溫樹老  
心旌無奈楚風長又云沙禽兩兩穿鈴閣江草依依  
接射堂章九隴云溪棧未破冰生硯爐酒新燒雪滿  
天又周賢良云春風亂鶯轉夕霧一鴻冥張嶺南云



山月愁揮子風濤怒鱷魚西巡云龍駕昌明御天旗  
太一神張婺州云大野幾星分婺女清風萬古感顏  
烏章南安云嶺雲夏變梅蒸早越賈秋藏桂蠹多西  
京首坐公云榮河帶遼中天閣空樂星懸大士居題雪  
云劉伶醉席梅花地海客仙槎粉樹天利州轉運云  
鳴琴聽事晚烏驚調角武城秋揚廐州云朱飾兩轡  
巡屬邑月留雙筆在中臺閣宿云三讓月臨承露掌  
九雛烏遶守宮槐又云酒供硯滴濡毫冷火守更籌  
汰漏長雪月云已回鄰面三年粉又結寒絲幾繭冰  
汾陽道中云鼓音記里繩阡遠舞節鳴鑿玉步徐揚  
洪州云桃葉橫波人共醉劍光牛斗獄常空李秦州  
云右城獨登溫樹密前旌雙抗嶺雲高劉潭州云洛

田荒二頃楚浪漲三篙撞花云吳宮何薄命楚夢不  
終朝宮詞云難銷守宮血易斷舞鸞腸又云虹跨層  
臺晚螢飛下苑涼夏日云雲容倏變千峯險草色相  
公百帶長新蟬云翼薄乍舒宮女鬢蛻輕全解羽人  
尸公子云行庖爨蠟彫胡熟求埒鋪金汗血驕明皇  
云梨園法部兼胡部玉輦長亭更短亭荷花云瀟裙  
無限水鄣袂幾多風別墅云雲際尋橦伎花間笑蹙  
樓無題云荷心出水終無定蘿蔓從風莫自持又云  
藻井風高蛛壤網杏梁春暖燕爭泥詠梨云先時櫻  
熟煩羊酪遠信梅酸損瓠犀洞戶云密鑷香雲深處  
戶亂飄梨雪晚來天贈希畫云吟餘雲散葉話久塵  
遺毛夕陽云塞迥橫烟紫江清照葉丹閨中云籠禽  
思隴樹洞犬識秦人柳絮云平沙萬里經春雪廣陌



三條盡日風屬疾云風簾鳴嘯厨煙絕月樹烏驚藥  
杵喧燈夕云金吾抱箭催盡水王宇來風滿砌莫禁  
中云萬年宮省樹五色帝家禽其警句絕多此但所  
記者耳

近世釋子詩

公常言近世釋子多工詩而楚僧惠崇蜀僧希畫爲  
傑出其江南僧元淨夢真浙右僧寶通守恭行肇鑿  
徵簡長尚能智仁休復蜀僧惟鳳皆有佳句惠崇贈  
裴太守云行縣山迎舸論兵雪遶旗高生山閣云勸  
酒淮潮起題詩楚月新周建州云鑠城山月上吹角  
海鷗驚東林寺云鳥歸杖墮雪僧定石沉雲光梵師  
云梵容存古像唐語入新經明大師云門掩前朝樹  
心懸別郡峯送李堪云秋聲動羣木暮色起千山希

畫鴈蕩山云長天來月正危木度猿稀苔黃桂州云  
來書逢歲闕去夢歷峯危廣南陳轉運云春生桂嶺  
外人在海門西僧東歸云帆影先寒雁經聲隱暮潮  
宋丞肯林亭云雪溜懸危石碁燈射遠林贈僧云漱  
齒冰溪遠開禪雪屋深送人云玉繩天闕遠金柝海  
城秋句學士云曉天金馬路晚歲石霜心寄人云山  
日秋光短江虹晚影低新津尉云劍月啼猿苦江沙  
濯錦寒北宮書亭云花露盈虫穴梁塵墮燕泥登上  
人云寄禪關樹老乞食塞城荒僧歸新安云風泉舊  
聽僧窻改雲穴曾行鳥逕殘春山云芳樹尋雲老孤  
泉落石危送人南歸海云落日橫秋島寒濤兀夜舡  
寶通題相國寺云下朝人帶天香入出定僧迎御仗  
來守恭佛跡峰云布髮人來絕齧花鹿去多朝海峯



云影落楊侯宅根連覺帝居行輦送僧云聽錫樵停  
斧窺蟬鳥立槎送人之鄞江云江聲盪背出帆影斗  
邊飛簡張送人歸寧云煙壘沈寒角霜空繫怒鵬尚  
能送僧歸澗右曰霜洲楓落盡水館月生寒送僧歸  
四明云古寺山光滿重城海氣困送人云西風隨鴈  
急寒柳向人踈孫大諫知來興云關河虎符重殿閣  
獸罇閑智仁溪居云寒聲病葉落曉色凍雲開僧歸  
天台云路遙無去伴山疊有啼猿冬夕云風窸燈易  
滅雪屋夜偏寒休復送道士西遊云日暮長安道秋  
深太白峰惟鳳秋日送人云去路正黃葉別君堪白  
頭哭度禪師云海客傳遺偈林僧寫病容皆公之所  
舉略記十之二三公又言因集當代名公詩爲筆苑  
輦下江吳僧聞之竟以詩爲贄擇其善者多寫入筆

苑中

唱和聯句

唱和聯句之起其源遠矣自舜作歌臯繇言賡裁  
及栢梁聯句顏延年有和謝監謝監玄暉有和伏武  
昌登孫權故城等篇梁何遜集中多聯句至唐朝文  
士唱和聯句固多元稹作春深題二十篇並用家花  
車斜四字爲韻白居易劉禹錫和之亦同此四字令  
狐楚所和詩多次韻起於此九聯句或兩句四句亦  
有對一句出一句者謂之轆轤體

見楊文公談苑

李白詞

平林漠漠煙如織寒山一帶傷心碧暝色入高樓有  
人樓上愁玉梯空竚立宿鳥歸飛急何處是歸程長  
亭連短亭此詞不知何人寫在鼎州滄水驛樓復不



知何人所撰魏道輔秦見而愛之後至長沙得古集於子宣內翰家乃知李白所撰

祖山石壁

舒州祖山因芟蘿蔓得一詩刻在峭壁乃杜牧金陵懷古也曰王樹歌沈王氣終景陽兵合曙樓空梧楸遠近千家塚禾黍高低六代宮石燕拂雲晴亦雨江豚翻浪夜還風英雄一去豪華盡惟有江山似洛中遍閱集中無之必牧之之作也又薛許昌集中見之

杜工部詩

陳舍人從易當時文方盛之際獨以醇儒古學見稱其詩多類白樂天蓋自陽劉唱和西昆集行後進學者爭效之風雅之變謂之崑體繇是唐賢諸詩集幾廢而不行陳公時偶得杜集舊本文多脫誤至送蔡

崑

都尉詩云身輕一鳥其下脫一字陳公因與數客各一字補之或云疾或云落或云起或云下莫能定其後得一善本乃是身輕一鳥過陳公歎服以為雖一字諸君亦不能到也

九僧詩

國朝浮圖以詩名于世者九人故時有集號九僧詩今不復傳矣余少時聞人多稱其一日惠崇餘八人者忘其名字也余亦略記其時有云馬放降來鵬盤戰後雲又云春生桂嶺外人在海門西其佳句多類此其集已亡今人多不知所謂九僧者矣是可嘆也

周朴詩

唐之晚年詩人無復李杜豪放之格然亦務以精意相高如周朴者措思尤艱每有所得必極彫琢故詩



人稱朴詩月鍛季煉未及成篇已播人口其名重當時如此而今不復傳矣余少時猶見其集其句有云風暖鳥聲碎日高花影重又云晚來山鳥鬧雨過杏花稀誠佳句也

評梅蘇二家詩

聖俞子美齊名於一時而二家詩體特異子美筆力豪俊以超邁橫絕為奇聖俞覃思精微以深遠閑淡為意各極其長雖善論者不能優劣也余嘗於水谷夜行詩略道其一二云子美氣方雄萬竅號一噫有時肆顛狂醉墨灑滂瀟譬如千里馬已發不可殺盈箧盡珠璣一一難束汰梅翁事清切石齒漱寒瀨作詩三十年視我猶後輩文辭愈精新心意雖老大有如妖韶女老自有餘態近詩尤苦硬咀嚼且難噉又

如食橄欖真味久愈在蘇豪以氣轢舉世徒驚駭梅窮獨我知古貨今難賣語雖非工謂粗得其髣髴然不能優劣之也

新雕 皇朝類苑卷第三十七



皇朝類苑卷第三十八

錢文僖鄭工部題詠

新雕 皇朝類苑卷第三十八  
詩歌賦詠

王建宮詞

王建宮詞一百首多言唐禁中事皆史傳小說所不載者往往見於其詩如內中數日無呼喚傳得滕王蛺蝶圖滕王元嬰高祖子新舊唐書皆不著其所能惟名畫錄略言其善畫亦不云其工蛺蝶也惟見於建詩爾或聞今人家亦有得其圖者唐世一藝之善如公孫大娘舞劍者若曹剛琵琶米嘉榮歌皆見於唐賢詩句遂知名於後世當時山林田畝潛德隱行君子不聞於世者多矣而賤工末藝得所附託乃垂於不朽蓋其各有幸不幸也

錢文僖鄭工部題詠

皇朝類苑卷第三十八



西洛故都荒臺廢沼遺迹依然見於詩者多矣惟錢文僖公一聯最爲警絕云日上故陵煙漠漠春歸空苑水潺潺裴曹公綠野堂在午橋南時屬張僕射賢家僕射罷相歸終日與賓客吟宴於其間惟鄭工部文寶一聯最爲警絕云水暖鳧鷖行哺子溪深桃李卧開花人謂不減王維杜甫也錢詩好句尤多而鄭句不惟當時人莫及而其集中自及者亦少

### 韓吏部

退之筆力無施不可而嘗以詩爲文章末事故其詩曰多情怯酒伴餘事作詩人然其資談笑助諧謔叙人情狀物態一寓於詩而曲盡其妙此在雄文大手故不足論而予獨愛其工於用韻也蓋其得韻寬則波瀾橫溢泛入傍韻乍還乍離出入回合殆不可拘

以常格如此日足可惜之類是也得韻窄則不復傍出而因難見巧愈嶮愈竒如病中贈張十八之類是也余嘗與聖俞論此以謂譬夫善馭良馬者通衢廣陌縱橫馳逐惟意所之至於水曲蟻封疾徐中節而不蹉跌乃天下之至工也聖俞戲曰前史言退之爲人木強若寬韻可自足而輒傍出窄韻難獨用而反不出豈非其拗強而然歟坐客皆笑之也

### 白雪樓

郢州白雪樓素多題詠一日郡守倅燕集是樓方命坐客賦詩時劉太傅賓以心恙羈置是郡不得預會遂使人持詩以獻才致蕭散盡江山之勝一座爲之閣筆詩曰江上樓高十二梯梯梯登遍與雲齊人從別浦經年去天向平蕪儘眼低寒色不堪長黯黯秋



光無柰更淒淒。攔干曲盡愁無盡。水正東流日正西。

### 華清宮

臨潼縣靈泉觀即唐之華清宮也。自唐迄今題詠者不可勝紀。自小杜五言長韻并三絕。洎鄭愚津陽門詩外少得佳者。本朝張文定文惠洎前進士楊正倫三篇雖詞非綺靡而義理可取。文定詩曰：當時不是不窮奢，民樂外平少歎嗟。姚宋未亡妃子在，塵埃那得到中華。文惠詩曰：百首新詩百意精，不尤妃子即尤兵。爭如一句傷前事，都爲明皇恃太平。正倫詩曰：休罪明皇與貴妃，大都衰盛兩隨時。唯憐一派溫泉水，不逐人心冷暖移。又鄭文寶詩：只見開元無事久，不知貞觀用工深。皆爲知音所賞。

### 酒帘

王達以祠部員外郎知福州，尚氣自矜。福唐有當壚老媪，常釀美酒，士人多飲其家。有舉子謂曰：吾能與媪致十數千，媪信乎？媪曰：儻能之，敢不奉教。因俾媪市布爲一酒帘，題其上曰：下臨廣陌三條闊，斜倚危樓百尺高。又曰：太守若出呵道者，必令媪卸酒帘。但佯若不聞。俟太守行馬至帘下，即出卸之。如見責替，緩即推以事故謝罪而已。必問酒帘上詩句，何人題寫？但云某嘗聞飲酒者好誦此二句，言是酒望子詩。媪遂託善書者題於酒旗上。自此酒售數倍。王果大喜，呼媪至府，與錢五千，酒一斛，曰：賜汝作酒本詩。乃王詠酒旗詩也。平生最爲得意者。

### 相思河

鄜州東百里有水，名相思河。岸有郵置，亦曰相思鋪。



皇朝卷卅六 三  
令狐挺題壁以詩曰誰把相思覩此河塞垣車馬往  
來多只應自古征人淚灑向空川作浪波

賡張文定詩

張齊賢嘗作詩自警兼遺子孫雖辭語質朴而事理  
切當足為規戒其詩曰慎言渾不畏忍事又何妨國  
法須遵守人非莫舉揚無私仍克已直道更和光此  
箇如端的天應降吉祥余嘗廣其意就每句為一篇  
命曰八詠警戒詩其一云慎言渾不畏言出患常隨  
須信樞機發寧容駟馬追三緘事可見兩舌業當知  
口是起羞本憑君且再思其二云忍事又何妨勿令  
心火揚火揚猶可滅心忿固多傷堪嘆波羅密釋此  
有忍欲波羅密歌利王為忍欲仙人從  
從心更從刀字意好消詳其三云國法須遵守金科

盡詔條一毫如有犯三尺不相饒豈用誇姦黠何須  
恃貴驕自然逢吉慶神理亦昭昭其四云人非莫舉  
揚萬事且包荒殿上便猶掩車中吐不妨在他誠所  
短於已有何長須是嘗規檢回頭自忖量其五云無  
私仍克已克已以無私二事兼修飾終身在省思公  
清多歛怨高亢易招危更切循卑退方應履坦夷其  
六曰直道更和光雙脩譽乃彰直須和輔助和賴直  
交相恃直終多訐偏和又少剛能和又能直行已自  
芬芳其七云此箇如端的除非六句脩末為几杖誠  
更遺子孫謀本立方生道農勤乃有秋茲詩雖淺近  
至理可推求其八云天應降吉祥天理本茫茫舒慘  
雖無定榮枯却有常益謙尤効驗福善更貽彰籠絡  
無疎漏恢恢網四張



題淮陰廟

淮陰侯廟題者甚多，惟諫議錢公最爲絕唱。曰：築壇拜廟，恩雖厚，躡足封時慮已深。隆準若知同鳥喙，將軍應有五湖心。

題歌風臺

徐州歌風臺題者甚多，惟尚書張公方平最爲絕唱。曰：落魄劉郎作帝歸，樽前一曲大風辭。才如信越猶菹醢，安用思化猛士爲。

題朝元閣

臨潼縣華清宮朝元閣題者亦多，唯陳文惠公二韻最爲絕唱。曰：朝元高閣迥秋毫，無隱情浮雲。忽已蔽不見漁陽城。

歌曲艷麗

文章純古不害其爲邪，文章艷麗亦不害其爲正。然世或見人文章鋪陳仁義道德，便謂之正人。若言及花草月露，便謂之邪人。茲亦不盡也。皮日休曰：余嘗慕宋璟之爲相，疑其鐵腸與石心。不解吐婉媚辭，及觀其文，而有梅花賦。清便富艷，得南朝徐庾體。然余觀近世所謂正人端士者，亦皆有艷麗之辭。如前世宋璟之比，今並錄之。如韋崖公張詠席上贈官妓小英歌曰：天教搏百花，搏作小英明。如花住近桃花坊，北面門庭掩映如。仙家羨人宜，稱言不得龍腦熏。衣香入骨維陽軟，穀如雲英毫。郡輕紗若蟬翼，我疑天上婺女星之精，偷入筵中名小英。又疑王母侍兒初失意，謫向人間爲飲妓。不然何得膚如紅玉初碾成，眼似秋波雙臉橫。舞態因風欲飛去，歌聲過雲長日。



清有時歌罷下香砌幾人魂魄遙相驚人看小英心  
已足我看小英心未足爲我高歌送一盃我今贈爾  
新翻曲韓魏公晚年鎮北都一日病起作點絳脣  
小詞曰病起厭厭宴堂花謝添憔悴亂紅飄砌滴盡  
胭脂淚惆悵前春誰向花前醉愁無際武陵回睇人  
遠波空翠司馬溫公亦嘗作阮郎歸小詞漁舟容  
易入春山仙家日月閑綺窗紗幌映朱顏相逢醉夢  
間松露冷海霞殷匆匆整棹還落花寂寂水潺潺重  
尋此路難又曹脩古立朝最晚剛方蹇諤嘗見池  
上有所似者亦作小詩寓意曰荷葉卓芙蓉圓清映  
嫩紅佳人南陌上翠蓋立春風

詩人使酒樓語

王安石作詩多使酒樓嘗語余曰楊文公詩有一酒

樓江南堤柳拂人頭李白題詩遍酒樓錢昭度詩亦  
有一酒樓長憶錢塘江上望酒樓人散兩千絲今子  
詩有幾酒樓余荅曰吾詩有二酒樓安國曰足矣蓋  
余有題九江琵琶亭小詩云夜泊潯陽宿酒樓琵琶  
亭畔荻花秋雲沉鳥沒事已往月白風清江自流又  
余昔年嘗送客西陵亦作小詩曰若耶溪畔醉秋風  
獵獵舡旗照水紅後夜錢塘酒樓上夢魂應遶浙江  
東

贈孫可文詩

仁宗朝內臣孫可文賦性恬澹年踰五十乞致仕都  
下有居第堂北有小園城南有別墅每良辰美景以  
小車載酒優游自適石曼卿嘗過其居題詩曰南北  
占河潤幽深在禁城疊山資遠意讓俸買閑名閉戶



斷蛛網折花移鳥聲誰人識高趣朝隱石渠生屯田  
真外郎柳永亦贈詩曰故侯幽隱百城東草樹扶踈  
一卧宮曾珥貂璫為近侍却紆條褐作閑翁高吟擁  
鼻詩懷壯雅論時衡道氣充厭盡繁華天上樂始將  
蹤跡學冥鴻可久好吟詠效白樂天格嘗為陝西駐  
泊為樂天造祠堂於郡城大阜之頂中安繪像乃繕  
寫生平歌詩警策之句徧于四墉晚年著歸休集行  
於世年七十餘卒

肯堂集

內臣裴愈字益之亦好吟詠真宗朝銜命江南搜  
訪遺書名畫歸奏繙旨用是累居三館以閣職自任  
有詩送魯秀才南遊云東吳山色家家月南楚江聲  
浦浦風又聞蟬詩云楊柳影踈秋霽雨梧桐葉墜夕

陽天皆其佳句有子曰湘字楚老亦有詩名明道中  
仁宗御便殿試進士房心為明堂賦和氣致祥詩亦  
命湘賦之湘舞蹈再拜數刻而成仁宗嗟賞左

右中人為之動色其和氣致祥詩曰君德承天道冲  
融愍太和輕雲呈瑞早膏澤應時多煦集連枝木嘉  
扶異穎禾五星遠聚井丹鳳更巢阿藪澤無遺土邊  
防又息戈黔黎逢至化替首再賡歌他詩亦類此有  
肯堂集行於世翰林李公淑為之作序曰予嘗嘉河  
東父子起銀疉右貂能以屬辭拔其倫益之三朝侍  
內老不廢學又課勵二子使皆有立約已慎履如周  
仕石慶而楚老孳孳嗜書克自淬琢云湘又善為小  
詞嘗任河東路走馬承受有詠并門浪淘沙小詞云  
鴈塞說并門郡枕西汾山形高下遠相吞十寺樓臺



依碧嶂煙景遙分晉曆鎖溪雲蕭鼓仍存牛羊斜日  
自歸村惟有故人禾黍地前事消魂後有詠汴州浪  
淘沙小詞 仁宗命錄進亦嘉之其詞曰萬國仰神  
京禮樂興行忽忽佳氣鎖龍城日御明堂天子聖朝  
會簪纓九陌六街平萬物充盈青樓絃管酒如澗別  
有隋堤煙柳暮千古含情

程文

五代之際天下剖裂我太祖啓運雖則下西川平  
嶺表收江南而吳越荆閩納籍歸覲然猶有河東未  
殄其後 太宗再駕乃始克之海內自此一統故因  
御試進士乃以六合爲家爲賦題時進士壬丑則遽  
進賦曰犯御名御盡乾坤作我之龍樓鳳闕開窮日  
月爲君之玉戶金關帝覽之大悅遂擢爲第一人

二

王沂公有物混成賦云不縮不盈賦象寧窮於廣狹  
匪雕匪斲流形罔滯於虛盈則宰相陶鈞運用之意  
已見於此賦矣又云得我之小者散而爲草木得我  
之大者聚而爲山川則宰相擇任羣材使小大各得  
其所又見於此賦矣

三

宋書公兄弟平時分題課試書公多屈於子京及作  
鷲鳥不雙賦則子京取况遠甚書公遂擅場賦曰天  
地始肅我則振羽而獨來燕雀焉知我則凌雲而自  
致又曰將翱將翔詎比海鷁之翼自南自北若專霜  
隼之誅則公之特立獨行魁多士登真宰亦見於此  
賦矣



四

李度顯德中舉進士工詩有醉輕浮世事老重故鄉人之句人多誦之王朴為樞密止以此一聯於甲文炳知舉遂擢為第三人人朝云主司只選一聯詩見

玉壺清話

五

歐陽文忠公年十七隨州取解以落官韻不收天聖已後文章多尚四六是時隨州試左民失之誣論文忠論之條列左氏之誣甚悉內有石言于宋神降于幸外蛇闖而內蛇傷新鬼大而故鬼小雖被黜落而奇傑之句大傳于時今集中無此論須見連庠誦之耳見東軒筆錄

六

龐醇之相為舉人時趙文定作試官見其惟幾成天下務賦云當羣形未兆已為造物之權泊大象賦形遂握生民之柄曰此必為宰相及為黃州司理夏英公見之亦公輔稱焉後果為首相數年趙康靖公見聞錄

七

自唐以來試進士詩號省題近年能詩者亦時有佳句蜀人楊諤宣室受釐落句云願前明主席一問洛陽人滕甫西旅來王云寒日邊聲斷春風塞草長傳聞漢都護歸奉萬年觴諤有詩名題驪山云行人問宮殿耕者得珠璣最為警策

文城縣君

江西洪郎中賈妻文城縣君李尚書公梯也治春



秋博學能文所作詩甚多公擇挽詩云久歷金門貴未酬黃屋知如聞天祿客抱恨作銘詩不減前人

### 傳詩訛謬

唐人詩流傳訛謬有一詩傳爲兩人者如漠漠水田飛白鷺陰陰夏木轉黃鸝既曰王維又曰李嘉祐以全篇考之摩詰詩也又楚鄉寒食梅花時野渡臨風駐綵旗草色連雲人去住水紋如縠燕差池既見杜牧集中又劉夢得外集作八句其後云朱幡尚憶羣飛雉青綬初聯左顧龜非是湓城白司馬水曹何事與新詩考其全篇夢得詩也然前四句絕類牧之

### 吏人詩

衛縣舊市場務壁間題字數行乃舊吏人詩也云罷樹猿辭檻歸耕馬脫嚼庸錢貧易舍官事老難擔亦

意之可取見李希声詩話

### 老兒詩

唐路德延有孩兒詩五十韻盛傳于世近代洛中致政侍郎張公師錫追次其韻和成老兒詩亦五十韻今錄之曰鬢髮盡皤然眉分白雪鮮週遮延客話僂僕抱孫憐無病常供粥非寒亦衣綿假溫衾擁背借力杖播肩兒比三峯客年過四皓仙喚方離枕上扶始到門前每愛烹山茗常嫌釘石蓮耳聾如塞續眼暗似籠煙宴坐羸凭几乘騎困鞦韆頭搖如轉旋唇動若抽牽骨冷愁離火牙疼怯漱泉形骸將就木囊橐尚貪錢膠睫乾眯綴粘髭冷涕懸披裘腰懶繫濯手袖慵掀擡舉衣頻換扶持藥屨煎坐多茵易破行少履難穿喜婢裁裙布嗔妻買粉細房教深下幕床



遣厚鋪氈琴聽冷三樂圖張笑七賢看嫌經字小敲  
喜磬聲圓食罷羹留袂盃餘酒帶涎樂來須遣罷醫  
到父相延褰帽縱橫掠梳頭取次纏長吁思往事多  
感聽哀絃氣注腰還重風牽口更偏墓松先遣種誌  
石頭教鑄客到唯求藥僧來忽問禪養茶懸竈壁曝  
艾曬簷椽怒僕空掉眼嗔僮謾握拳心驚嫌蹴踘脚  
軟怕鞦韆局縮同寒狃堆厖似飽鷲觀瞻多目眩舉  
動即頭旋女嫁求紅燭男婚乞綠牋已聞頌几杖寧  
更佩韋弦賓客身非與兒孫事已傳養和屏作伴如  
意拂相連久弃登山屐惟存負郭田呻吟朝不樂展  
轉夜無眠呼稚臨床畔看書就枕邊冷疑懷貯水虛  
訝耳聞蟬束帛非無分安車信有緣伏生甘坐末絳  
老讓行先拘急將風夜昏沉欲兩天雞皮塵旋漬觀

齒食頻填每憶居郎署常思釣渭川喜逢迎佛會羞  
赴賞花筵徑狹容移檻塔危索減塼好生焚烏網惡  
殺拆漁舡既感桑榆日常嗟蒲柳年長思當弱冠悔  
不賸狂顛

呂公贈李公詩

李昉呂端同踐文館後各登台輔呂公贈李公詩曰  
憶昔儻居明德坊官資俱是校書郎青衿共直昭文  
館白首同登政事堂佐國廟謨君已展避賢榮路我  
猶妨主恩至重何時報老眼相看淚兩行

草陳恭公麻

陳恭公拜集賢殿大學士賈文元公昌朝當國張方  
平草麻有萬事不理繫胡廣之能言四夷未平籍陳  
平之達識賈公深惡之



評詩

沈括存中呂惠卿吉甫王存正仲李常公擇治平中同在館下談詩存中曰韓退之詩乃押韻之文耳雖健羨富贍而終不近古吉甫曰詩正當如是我謂詩人以來未有如退之也正仲是存中公擇是吉甫四人者交相詰難久而不決公擇忽正色而謂正仲曰君子羣而不黨君何黨存中也正仲勃然曰我所見如是爾顧豈黨耶以我偶同存中遂謂之黨然則君非吉甫之黨乎一坐更大笑余每評詩亦多與存中合頃年嘗與王荆公評詩余謂九爲詩當使挹之而原不窮咀之而味愈長至如歐陽永叔之詩才力敏邁句亦健羨但恨其少餘味耳荆公曰不然如行人仰頭飛鳥驚之句亦可謂有味矣然余至今思之不

見此句之佳亦竟不曉荆公之意信乎所言之殊不可強同也

鸛雀樓

河中府鸛雀樓三層前瞻中條下瞰大河唐人留詩者甚多惟李益王文與暢諸三篇能狀其景李益曰鸛雀樓西百尺墻汀洲雲樹共茫茫漢家簫鼓隨流水魏國山河半夕陽事去千年猶恨速愁來一日即知長風煙併在思歸處遠目非春亦自傷王文與詩白日依山盡黃河入海流欲窮千里目更上一層樓暢諸詩曰迥臨飛鳥上高出世塵間天勢圍平野河流入斷山

改王公詩

工部侍郎王公召試學士院王荆公爲考官於簾下







見其詩畢就登閣題字荆公使人錄之乃一詩也詩  
云古木陰森向玉堂  
長年來此試文章  
日斜美罷員  
榻懸勝柳塵埃  
看盡堪拋公政  
奏罷長楊賦  
作素賦  
我楊龍元  
豈末荆公  
在全閣  
好事者  
求書猶多  
寫此  
詩

荆公集卷第三十八



110X  
40  
15